

միևսի հանդէպ «երբեք խէթ չէ ունեցել, թէ այս իմն է, այն՝ քոնը եւ կամ քոնը շատ է, իմը՝ քիչ», այլ ամենքն էլ իմացել են իրենց տեղը «եթէ հարկ, եթէ պատիւ, եթէ պատիժ» (134):

Յ. Ծահամիրեանը մեռած պիտի լինի տա- կաւին երիտասարդ, բայց քանի՜ տարեկան եւ ե՛րբ — ստոյգ չենք կարող ասել: Յամենայն զէպս 1775 թուին նա արդէն մեռած պիտի լի- նէր, որովհետեւ այդ թուին նրանց տպարա- նում տպուած «Պատմութիւն մնացորդաց հա- յոց եւ վրաց» գրքի տպագրիչն այլեւս նա չէ, այլ եղբայրը՝ Եղիազարը¹⁾:

«ՈՐՈԳԱՅԹ ՓԱՌԱՅ»

Երկու աշխատութիւն ունի Յ. Ծահամիր- եանը, երկուսն էլ քաղաքական բովանդակու- թեամբ: Առաջինը լոյս է տեսել իր տպարա- նում 1772 թ. եւ խորագիրն է «Նոր տետրակ որ կոչի յորդորակ»: Երկրորդը լոյս է տեսել նոյն տեղում, մի տարի յետոյ, 1773 թ. եւ կոչւում է «Որոգայթ փառաց» վասն կալանաւորելոյ ամենայն գործ անկարգութեան»:

Մեզ գրադեցնողը երկրորդ գիրքն է, «Ո- րոգայթ փառաց»ը, յորի անունն ու տպագրու- թան հանգամանքները հեղինակի կողմից ձե- ւակերպուած են այսպէս²⁾ — «Գիրք անուան- եալ Որոգայթ Փառաց վասն կալանաւորելոյ ամենայն գործ անկարգութեան: Ծարադրեց- եալ Յակոբայ Ծահամիրեանց՝ Նոր Ջուղայեց- ւոյ առ ի օգուտ յազդին հայոց: Ի Հայրապե- տութեան Տեառն Սրբազան Սիմէոնի ամենայն Հայոց կաթողիկոսի ի Վաղարշապատ: Ի թա- գաւորութեան Յոգոստատիայլ Տեառն Երկրոր- դի Հէրակլիսի ի Թիպղիս: Յամի Տեառն Փրկ- չին մերոյ Քրիստոսի 1773: Եւ ի թուին թուա- կանութեան հայոց 1222: Ի հնդիկա եւ ի Մայ- րա՛ Քաղաքն Մաղրաս: Ի տպարանի նոյն Յա- կոբայ Ծահամիրեանց»:

Գիրքը բաղկացած է երկու գլխաւոր մա-

սից կամ ինչպէս ինքն է անուանում՝ երկու հատորից: Առաջին մասը մի ընդարձակ յառա- ջարան կամ ներածութիւն է, 139 էրես, առանց խորագրի: Երկրորդ մասը, որ կազմում է գրքի մեծագոյն բաժինը, 140-413 էրես, հաւաքա- ծոն է բազմազան օրէնքների, նախազօհերի եւ զանազան պաշտօնական գրութիւնների նմոյշ- ների, որ հեղինակն առաջարկում է ապագայ անկախ Հայաստանում գործածելու համար: Ներածութիւնից առաջ գտնուում է մի փոքրիկ «նախերգանք առ պատուելի ընթերցողը», իսկ օրինազօհերից եւ պաշտօնական թղթերի նը- մոյշներից յետոյ անմիջապէս դալիս է բովան- կութեան մանրամասն ցանկը, որից յետոյ էլ մի փոքրիկ վերջին խօսք, «Վերջարանութիւն գրքիս» վերնագրով:

Նախերգանքի մէջ — ինչպէս եւ յաճախ յառաջարանի մէջ — հեղինակը ինքը բնորո- շում է գիրքը եւ նրա նպատակը: Մի կողմից — ասում է նա — իր գիրքը մի խնձոր է, «գունով կարմիր, տեսեամբ դեղեցիկ, հոտով անուշ եւ թոշակաւ քաղցր», որ ընծայաբերում է բոլոր «բարեպաշտ», «առողջ բնութիւն» եւ «յստակ խառնուածք» ունեցող հայ մարդկանց: Միւս կողմից՝ նա «որոգայթ մի է անբեկանե- լի, կաղմեալ իրաւամբ եւ արդարութեամբ» բոլոր նրանց համար, որոնք «կամեցին ուխ- տազանց լինելով, գործել զչարիս»: Մարդը իր փոփոխական բնութեան պատճառով — ա- ւելցնում է հեղինակը — տրամադիր է չա- րիքներ գործելու: Հետեւաբար, անհրաժեշտ է մի արգելք, մի որոգայթ, որը «չարագործի բոլոր զգայարանները բռնի եւ պահի անշարժ», որպէսզի նրա ձեռքն այլեւս չկարողանայ շարժուել՝ չարագործութիւն անելու համար: Այդ արգելքը կամ որոգայթը ահաւասիկ իր գիրքն է:

Յառաջարանի մէջ — ինչպէս ասացինք — նա բազմաթիւ անգամներ նորից ու նորից ընդ- դնում է գրքի կրկնակի նպատակները եւ մի անգամ էլ այսպիսի պատկերաւոր ձեւով սահ- մանում. իր գիրքը լինելու է առաջին՝ «Իբր կացին մի ծանր վասն խորտակելոյ լուծն ծա- ուայութեան եւ բնականապէս ազատ առնելոյ ամենայն բնութիւն մարդոց». երկրորդ՝ նա հանդիսանում է «Որոգայթ մի հնարագիտու- թեան, զի ընդ իւր քարչելով, կալանաւորեացէ

1) Հ. Ղազիկեան՝ «Հայկ. նոր մատենագ. եւ Հանրագիտ.», 1:օ՝ «Հայկ. Տպագր.» Բ.

2) Գրքի անփոփոխ արտատպութիւնը կա- տարուել է Թիֆլիսում 1913 թ., Ղուկասեան մատենաշար թիւ 9, ոչ եւ մենք ունենք մեր ձեռքի տակ: